



KOMUNIKADO PA PRENSA

Fecha

6 di aprel 2017

Kolaboradó di Maneho

Jahaira Nahr

Email

jahaira.nahr@gobiernu.cw

Parti di Kaminda Helmin Magno Wiels ta haña ‘wegmarkering’ nobo

Willemstad – Durante e fin di siman di 7 i 8 di aprel próksimo Helmin Magno Wiels Boulevard ta bai haña un ‘wegmarkering’ nobo na altura di e dos rotòndenán temporal. Ta bai marka e rotòndenán di nobo ku fèrf pa mas seguridat pa outomobilistanan ku ta trafiká den e area. Riba e dianan menshoná ta pidi outomobilistanan pa baha velocidat i sigui e bòrchinan ku indikashon di kua banda di kaminda por kore pa e trabounan tuma lugá na un manera seif.

E kompania Zieck Enterprises riba enkargo di Obra Públiko i Minister di Ministerio di Tráfiko, Transporte i Planifikashon Urbano, sr. Jaime Cordoba, ta responsabel pa e trabounan. Esaki ta enserá limpiamentu di e kaya pa pasa e promé lag di fèrf. Despues ta lague seka pa pasa e di dos lag di fèrf. E trabounan aki ta tuma lugá durante dia, pero no ta stroba tráfiko di manera ku mester sera e kaya.

Pa yuda hisa e seguridat den tráfiko Helmin Magno Wiels Boulevard a haña dos rotonde temporal. En espera di ehekushon di e plan total pa hasi un adaptashon kompleto di e kaminda, ta hasi mantenshon mientrastantu di e área di e rotòndenán ku fèrfmentu di e markanan. Obra Públiko ta pidi tur hende pa tene kuenta ku e trabounan ku ta tuma lugá riba e kaminda i pa kore ku koutela.